


Los ntawm Thawj Tswj Hwm
Thomas S. Monson



Coj Raws Li cov Yaj Saub Hais

Kuv ua hauj lwm nyob hauv Teb Chaws Amelikas Pawg Tub Rog Caij Nkoj thaum muaj Kev Tsov Rog Thoob Ntiaj Teb thib Ob yuav luag tiav lawm. Kuv yog ib tug seaman, uas yog pawg qis tshaj plaws nyob hauv pawg tub rog caij nkoj. Ces tom qab ntawd kuv tsim nyog ua ib tug Seaman First Class, ces tom qab ntawd kuv tsim nyog ua ib tug Yeoman Third Class.

Kev Tsov Rog Thoob Ntiaj Teb thib Ob tiav lawm, ces lawv cia kuv tawm tsis ua tub rog ntxiv. Tiam sis kuv txiav txim siab tias yog kuv rov qab mus ua tub rog kuv xav ua ib tug nom tub rog. Kuv xav tias, “Yog tias kuv ua tau, kuv tsis xav ua mov rau sawv daws noj ntxiv, tsis xav ntxuav lub nkoj ntxiv.”

Tom qab lawv cia kuv tawm, kuv koom nrog lub Teb Chaws Amelikas Pawg Tub Rog Caij Nkoj uas Nyob Tos. Kuv mus kawm ua tub rog txhua hmo Monday. Kuv rau siab kawm ntawv kom kuv thiaj xeeb tau ntawv zoo. Kuv twb ua txhua yam kev sib tw ntawm sab paj hlwb, sab nqaj daim tawv, thiab ntawm lub siab ntsws. Ces, thaum kawg kuv txais xov xwm zoo kawg hais tias: “Twb pom zoo kom muab koj tsa ua ib tug ensign nyob hauv lub Teb Chaws Amelikas Pawg Tub Rog Caij Nkoj uas Nyob Tos.”

Kuv zoo siab muab rau kuv tus poj niam, Frances, saib thiab hais tias, “Kuv twb ua! Kuv twb ua lawm!” Nws khawm kuv thiab hais tias, “Koj twb khwv heev koj thiaj ua tau.”

Tiam sis tom qab ntawd ib yam dab tsi txawm tshwm sim. Lawv hu kuv ua ib tug pab cuam nyob hauv kuv pawg ntseeg pawg npisov. Tus npisov pawg sab laj kev sib

ntsib thiab kuv pawg tub rog kev sib ntsib yog tib hmo. Kuv twb paub hais tias yog ib qho teeb meem loj heev. Kuv paub hais tias kuv yuav tsis muaj sij hawm ua hauj lwm hauv Pawg Tub Rog uas Nyob Tos *thiab* kuv pawg npisov. Kuv yuav ua li cas? Kuv yuav tsum txiav txim siab.

Kuv twb thov Vajtswv. Ces kuv mus xyuas tus neeg uas yog kuv ceg txheem ntseeg tus thawj tswj hwm thaum kuv yog ib tug me nyuam tub, Txwj Laug Harold B. Lee (1899–1973), es nws yog ib tug hauv Pawg Kaum Ob tug Thwj Tim lawm. Kuv twb zaum ntawm nws lub rooj. Kuv qhia nws tias kuv saib qhov tsa kuv ua nom rau nqi heev. Kuv twb muab daim ntawv tsa kuv ua nom tub rog rau nws saib.

Tom qab nws xav txog qhov no ib pliag, nws hais rau kuv tias, “Tus Kwv Monson, koj yuav tsum ua li no. Koj cia li sau ntawv rau Bureau of Naval Affairs thiab qhia lawv tias vim koj yog ib tug hauv pawg npisov, koj thiaj txais tsis tau lawv txoj kev tsa koj ua nom hauv lub Teb Chaws Amelikas Pawg Tub Rog Caij Nkoj uas Nyob Tos.”

Kuv poob siab. Ces nws hais ntxiv tias, “Ces cia li sau ntawv rau tus thawj coj ntawm Pawg Tub Rog Caij Nkoj thib Kaum Ob nyob hauv San Francisco thiab qhia lawv tias koj xav tawm ntawm pawg tub rog uas nyob tos.”

Kuv hais tias, “Txwj Laug Lee, koj tsis to taub cov tub rog zoo li cas. Lawv yeej kam tsis tsa kuv ua nom yog tias kuv tsis kam ua li ntawd, tiam sis Pawg Tub Rog thib Kaum Ob yeej tsis cia kuv tawm mus. Vim ntshe lawv yuav ua rog nyob hauv Korea, ib tug tub rog uas tsis yog

tus nom yeej yuav raug xa mus. Yog tias lawv xa kuv mus, kuv xav ua ib tug nom, tiam sis yog kuv tsis txais lawv txoj kev tsa ntshe tsis zoo li ntawd. Koj puas paub tseeb tias koj xav kom kuv txais lus ntuas no?”

Txwj Laug Lee tso nws txhais tes saum kuv xub pwg thiab zoo li kuv txiv hais tias, “Tus Kwv Monson, muaj kev ntseeg ntxiv. Tsis tsim nyog koj nyob hauv pawg tub rog.”

Kuv twb mus tsev. Kuv tso kuv daim ntawv rov qab hauv lub hnab ntawv nrog tsab ntawv uas kuv txais thiab sau tias kuv yuav tsis txais. Ces kuv sau ntawv rau Pawg Tub Rog Caij Nkoj thib Kaum Ob thiab thov kom lawv tso kuv tawm ntawm Pawg Tub Rog Caij Nkoj uas Nyob Tos.

Lub sij hawm uas lawv tso kuv tawm ntawm kuv Pawg Tub Rog Caij Nkoj uas Nyob Tos yog pawg kawg uas lawv tso tawm ua ntej Kev Tsov Rog hauv Kaub Lim Teb. Kuv pawg tub rog twb raug xa mus. Rau lub lim tiam tom qab kuv raug hu los ua ib tug pab cuam hauv pawg npisov, lawv hu kuv ua tus npisov rau kuv pawg ntseeg.

Ntshe kuv yuav tsis ua hauj lwj li no nyob hauv lub Koom Txoos hnub no yog tias kuv tsis tau mloog tus yaj saub lus, yog tias kuv tsis tau thov Vajtswv txog txoj kev txiav txim ntawd, yog tias kuv tsis tau ua raws li qhov tseeb no: tej lub sij hawm tib neeg xav tias Vajtswv lub tswv yim yog kev ruam.¹ Tiam sis qhov tseem ceeb uas peb kawm tau nyob hauv lub ntiav teb no yog qhov uas thaum Vajtswv hais lus thiab Nws cov me nyuam mloog lus, lawv yeej ua qhov yog.

Tib neeg hais tias peb zaj liv xwm nyob ntawm tej kev txiav txim me me, thiab peb lub neej yeej zoo ib yam. Tej yam uas peb xaiv yuav hloov peb lub neej tom ntej. Tiam sis Vajtswv tsis tso peb tseg cia peb txiav txim peb tus kheej xwb.

Yog tias nej xav pom lub ntuj ceeb tsheej ci ntsa iab, yog nej xav txais kev tshoov siab ntawm tus Vajtswv uas Muaj Hwj Chim Tag Nrho, yog nej xav paub tias nej Leej Txiv Saum Ntuj Ceeb Tsheej koj nej kev, ces cia li mloog Vajtswv cov yaj saub tej lus. Thaum nej ua raws li cov yaj saub, nej nyob hauv qhov chaw puaj phais.

LUS CIM

1. Saib 1 Kauleethaus 2:14.

QHIA LOS NTAWM TSAB XOV NO

Tsis muaj mej zeej ntawm lub Koom Txoos coob uas txais tej lus ntuas kiag ntawm ib tug Thwj Tim, zoo li

Thawj Tswj Hwm Monson. Tiam sis peb tseem yuav tau koob hmoov thaum peb ua raws li cov yaj saub thiab cov thwj tim tej lus qhia. Xav seb puas yuav nyeem Thawj Tswj Hwm Monson zaj lus hais los ntawm lub tuam rooj sab laj tas los (nco txog tej lus uas nws hais thaum qhib thiab xaus). Nrhiav tej lus qhia uas nws hais kom ua tej yam. Tej zaum koj xav sib tham nrog cov uas koj mus xyuas thiab xav txog tej yam nej ua tau kom ua raws li Thawj Tswj Hwm Monson tej lus ntuas.

TUB HLUAS NTXHAIS HLUAS

Tej Lus Ntuas Thaum Nyuaj Xaiv

Thawj Tswj Hwm Henry B. Eyring, tus Pab Cuam thib Ib hauv Thawj Pawg Thawj Tswj Hwm, qhia txog ib zaug thaum nws ua raws li tus yaj saub tej lus ntuas. Nyob hauv ib lub tuam rooj sab laj, Txwj Laug Ezra Taft Benson (1899–1994) hais kom cov mej zeej tsis txhob tshuav nqi—qhov tseem ceeb yog nqi yuav tsev.

Thawj Tswj Hwm Eyring hais tias, “Kuv tig mus rau kuv tus poj niam tom qab kev sib ntsib ntawd thiab nug hais tias, ‘Koj puas xav tias muaj ib txoj kev uas peb yuav ua tau li ntawd?’ Thaum xub thawj peb xav tsis tawm txog ib qho hlo li.” Tiam sis thaum hmo ntuj ua rau nws xav txog ib lub vaj tsev uas nkawd muag tsis tau tau ntev. “Wb tso siab rau Vajtswv thiab . . . Nws tus tub qhe zaj lus, [yog li ntawd] wb cia li hu xov tooj. . . . Kuv hnob ib lo lus teb uas txhawb kuv txoj kev tso siab rau Vajtswv thiab Nws cov tub qhe txij thaum ntawd los.” Tib hnub ntawd ib tug txiv neej twb xav yuav tsev neeg Eyring lub vaj tsev ntawd them nyiaj ntau tshaj nkawd tus nqi yuav nkawd lub tsev. Tsev neeg Eyring tsis tshuav nqi hlo li (saib “Cia Siab rau Vajtswv, Ces Cia Li Mus thiab Ua,” *Liahona*, Nov. 2010, 72–73).

Tej zaum koj tsis muaj nqi tsev uas koj yuav tsum them, tiam sis cov yaj saub tej lus ntuas yuav pab koj tam sim no thaum nej txiav txim txog koj txoj hauj lwj, kev kawm ntawv, kev ua tub txib, thiab kev tham hluas nkauj hluas nraug. Nrog koj tsev neeg los yog cov phooj ywg tham seb koj ua yuav ua dab tsi thiaj ua raws li cov yaj saub hais thaum koj yuav tsum txiav txim siab.

(c) 2015 los ntawm Intellectual Reserve, Inc. Ceev txhua txoj cai. Luam tawm hauv Teb Chaws Amelikas. Pub txhais ua lus Akiv: 6/14. Pub txhais ua lus Hmoob: 6/14. Kev txhais lus *First Presidency Message, January 2015*. Hmong. 12581 295



Tej Cwj Pwm ntawm Yexus Khetos: Leej Tub uas Mloog Lus

Ua tib zoo thov Vajtsuv kawm tej yam no thiab nug seb koj yuav tsum qhia dab tsi. Qhov uas koj to taub tus Cawm Seej lub neej thiab tej luag hauj lum yuav ua rau koj txoj kev ntseeg Nus loj tuaj thiab foom koob hmoov li cas rau cov uas koj saib xyuas tom tsev? Kom tau ntaub ntauv xov xwm ntxiv, cia li txuas rau reliefsociety.lds.org.

Kev Ntseeg, Tsev Neeg, Kev Pab

Nov yog ib zaj los ntawm tej zaj cov Mus Saib Xyuas Tom Tsev tsab Xov uas hais txog tus Cawm Seej tej cwj pwm.

Thaum peb ua raws li Yexus Khetos tus yam ntxwv peb txoj kev ntseeg Nws loj tuaj. Txwj Laug Jeffrey R. Holland ntawm Pawg Kaum Ob tug Thwj Tim hais tias, “qhov uas Yexus xub xaiv thiab yog qhov tseem ceeb tshaj plaws hais txog nws txoj kev nrog nws leej txiv sib raug zoo yog qhov uas—nws hlub nws leej txiv thiab mloog nws lus thiab ua raws li nws hais vim nws yog ib tug tub uas hlub nws heev?” . . . Kev mloog lus yog thawj txoj kev cai ntuj ceeb tsheej.”¹

Cov vaj lug kub qhia tias, thaum peb tau ib txoj koob hmoov los ntawm Vajtsuv, yog los ntawm txoj kev ua raws li txoj kev cai ntawd uas yog txoj koob hmoov ntawm lub hauv paus (saib Q&K 130:20-21). Peb sab ntsuj plig loj hlob thaum peb los nyob ze Vajtsuv dhau los ntawm kev mloog lus thiab kev caw lub hwj chim ntawm tus Cawm Seej txoj Kev Theej Txhoj los rau hauv peb lub neej.

Txwj Laug D. Todd Christofferson ntawm Pawg Kaum Ob tug Thwj Tim hais tias, “Thaum peb ua raws li tej ntsiab cai thiab cov lus txib ntawm Yexus Khetos txoj moo zoo, peb txais koob hmoov uas Vajtsuv cog lus tias peb yuav txais raws li

Nws tau khi lus rau peb. Cov koob hmoov ntawd pab peb ua tej yam thiab tsis txhob raug lwm tus ua tej yam rau peb thaum peb ua neej nyob. . . . Kev mloog lus ua rau peb muaj peev xwm kav peb lub neej, ua rau peb haj yam muaj peev xwm mus thiab los, ua hauj lwm thiab tsim tej yam tshiab.”²

Vaj Lug Kub Ntxiv

Lukas 22:41–46; Lus Qhuab Qhia thiab Kev Khi Lus 82:10; 93:28

Los ntawm cov Vaj Lug Kub

“Qhov uas muaj zog ntawm sab ntsuj plig vim yus pheej ua raws li cov lus txib tas li puas yog ib qho uas yus faib tau rau lwm tus?” Txwj Laug David A. Bednar, ntawm Pawg Kaum Ob tug Thwj Tim, nug. “Lus teb rau tej lus nug no yog . . . tsis tau.”³

Zaj lus piv txwv txog kaum tus hluas nkauj qhia txog lub ntsiab cai no. Txawm tag nrho cov hluas nkauj nqa teeb “mub ntsib tus nraug vauv,” tsuas muaj tsib tug hluas nkauj uas muaj tswv yim thiab muaj roj nyob hauv lawv tej teeb. Tsib tug hluas nkauj tsis muaj tswv yim vim lawv “tsis npaj roj.”

Thaum txog ib tag hmo txawm muaj ib lub suab hu nrov nrov hais tias: “Tus nraug vauv tuaj lawm; cia li tawm tuaj tos nws.” Txhua

tus hluas nkauj kho lawv tej teeb kom cig, tiam sis cov hluas nkauj uas tsis muaj tswv yim tsis muaj roj lawm. Lawv hais rau cov hluas nkauj uas tsis muaj tswv yim, “Thov muab nej cov roj faib rau peb; rau qhov peb cov teeb roj tas lawm twb yuav tuag.”

Cov hluas nkauj uas muaj tswv yim teb hais tias, “Tsis tau, nyob tsam tsis txaus rau peb thiab nej; nej cia li mus . . . yuav tom khw rau nej.” Thaum tsis tug hluas nkauj uas tsis muaj tswv yim tab tom mus yuav roj lawm, tus nraug vauv txawm tuaj txog thiab tsib tus hluas nkauj uas muaj tswv yim nrog nws mus thiab “kaw qhov rooj rau lawm” (Mathais 25:1–13).

LUS CIM

1. Jeffrey R. Holland, “The Will of the Father in All Things” (Brigham Young University kev hawm Vajtsuv, Ib Hlis Ntuj hnuv tim 17, 1989), 4, speeches.byu.edu.
2. D. Todd Christofferson, “The Power of Covenants,” *Liahona*, Tsib Hlis Ntuj 2009, 21.
3. David A. Bednar, “Hloov Siab Los Ntseeg tus Tswv,” *Liahona*, Kaum Ib Hlis Ntuj 2012, 109.

Xav Txog Qhov No

Leej twg koj yam ntxwv txog kev mloog lus nyob hauv phau vaj lug kub?